

Euskal Herriko Ahotsak  
ahotsak.com

*Rosario Garziaetxabe Ugarte*

*Aretxabaleta,  
Gipuzkoa (1931)*

Aurkibidea



## Biografia



Aretxabaletan jaioa 1931n. Aita "Barrenderokua"koa zen, kantari ezaguna; ama, berriz, Legutiotik Aretxabaletara neskame etorritakoa. Zortzi anai-arreba ziren. 14 urtera arte Aretxabaletako eskola nazionalen ikasi zuen. Bere familiak "Centro Católicoren" ardura hartu zuen eta bertan egin zuen lan Rosariok tabernari modura 11 urtean. Bixente "Etxeandia" futbolariarekin ezkondu zen eta zazpi seme-alaba izan zituzten. Senarrarekin batera egin zitzaion elkarriketa.

## Zintak

### ARE-038

- **Proiektua:** Deba Eskualdeko Ahotsak - Aretxabaleta.
- **Elkarrizketatzailea(k):** Elortza, Kepa
- **Data:** 2009-05-05
- **Iraupena:** 10 min
- **Euskarria:** MiniDV
- **Kodifikatzailea:** Goiria Mendiola, Nerea
- **Transkribatzailea(k):** Elexpuru, Juan Martin

### ARE-039

- **Proiektua:** Deba Eskualdeko Ahotsak - Aretxabaleta.
- **Elkarrizketatzailea(k):** Elortza, Kepa
- **Data:** 2009-05-05
- **Iraupena:** 17 min
- **Euskarria:** MiniDV
- **Kodifikatzailea:** Goiria Mendiola, Nerea
- **Transkribatzailea(k):** Elexpuru, Juan Martin

### ARE-040

- **Proiektua:** Deba Eskualdeko Ahotsak - Aretxabaleta.
- **Elkarrizketatzailea(k):** Elortza, Kepa
- **Data:** 2009-05-19
- **Iraupena:** 25 min
- **Euskarria:** MiniDV
- **Kodifikatzailea:** Etxeberria, Idoia

## Pasarteak

### 1. Neskek dotrina erdaraz; mutilek euskaraz

- **Erref:** ARE-038/009

- **Iraupena:** 0:01:15. **Hasi:** 00:07:55. **Bukatu:** 00:09:10
- **Multimedia:** bideoa online ikusgai

**Gaia(k):**

- Ohiturak eta bizimodua » Hezkuntza » Maisu-maistrak
- Ohiturak eta bizimodua » Erljioa » Eliza giroko ospakizunak

**Laburpena:**

Euskara zela eta ez zuten arazorik izan. Rosariok dotrina gaztelaniaz jaso zuen, Aita Gurea-eta be bai, Bixentek aldiz euskaraz jaso zuen don Angel maisuaren eskutik. Izan zituen beste mi maisu ere aipatzen ditu: don Dominico (erdalduna) eta don Isidro (Eskoriatzakoa).

**Transkripzioa**

-Euskeriakin izaten zebein problemarik edo?  
 -Ez, klaro, guk dotriñie ta be erderaz da Aittagurie ta be ez geuen ikasi orduan. Dana erderaz. Bai, bai, bai. Guk erderaz ikasi gauen.  
 -Beste leku batzuetan dotriñia erakutsi izan dabe euskeraz.  
 -Euskeraz guk ez, e.  
 -Basarri auzuetan igual.  
 -Ba guk ez, guk erderaz dana.  
 -Guk euskeraz be eitten gauen.  
 -Guk dotriñia ta dana erderaz ikesi gauen.  
 -Guk euskeraz.  
 -Dotriñia ala eskolia?  
 -Dotriñia, dotriñia. Dotriñia ta orduen elixako gauzak euskeraz emuten oskuen. Don Angelek eta horrek.  
 -Dotriñia maixu normalak emuten eben ala abadiak?  
 -Ez, ez, ez. Maixuak normalak. Bat euskalduna zuan, atzenekua euskalduna zuan, autentikua, hemengua zuan da, Gellaukua.  
 -Gellaukua zan.  
 -Don Isidro?  
 -Bai.  
 -Eta don Benito kanpokua?  
 -Don Benito erdelduna zuan, erdelduna. Andria ta danak.  
 -Doña Zirila ta danak erdeldunak zien.  
 -Atxabaletakua.  
 -Atxabaletakua ez, Gellaukua. Gellau Eskoritzta dok, Eskoritzta.

**2. Futbolean Salestarren eskolan hasita**

- **Erref:** ARE-039/004
- **Iraupena:** 0:03:56. **Hasi:** 00:02:40. **Bukatu:** 00:06:36
- **Multimedia:** bideoa online ikusgai

**Gaia(k):**

- Aisia » Kirola » Futbola
- Ohiturak eta bizimodua » Hezkuntza » Eskolara herritik kanpo

**Laburpena:**

Adin bera izan arren ez zuten elkarrekin ikasi, mutilek eta neskek ez baitzuten batera ikasten, eraikin ezberdinetan egoten ziren. Eskola bukatu eta gero Deustuko salestarren eskola profesionalera joan zen Bixente, Zerrajeran lan egiteko beharrezkoa ikasi zuen. Eskolako hainbat kontu kontatzen ditu. eskola utzi zuen futbolean hasteko. Aretxabaletan hasi zen futbolean jolasten.

Salesianoetan ere bazegoen futbol taldea. taldeko hainbat kontu kontatzen ditu.</p>

### **Transkripzioa**

Zuek alkarrekin ibilli ziñain nazionaletan?

-Ez, ez.

-Etxe bat zan edo?

-Ez.

-Eskolia aparte?

-Aparte-aparte.

-Eskoliak jaukan gutxienez lau ero bost (...) diferentiak. Osea ke; edadietatik pe bajauan, batzuk edade gehixao ba harek..., gutxiaok ba gutxiaokin.

-Eta neskak beste etxe baten eta mutilak beste baten.

-Neskak aparte. Bai ba.

-Eta hamabost urtekin hortik urten eta lanian hasi ziñan?

-Ez. Estudixetan Deustora Salesianosetara, eskola profesionaletara.

-Eta ze karrera ikasi zeben han?

-Han? Ba Zerrajeriak zela zeukan fabrikia, han soziuak eta, ba fan nintzuan ikasten zerrajerixarako. Hori, zerrailak eta ipiñi tta torneuen da ikasi. Zepilluen da lana ein dda.

-Han tituluren bat atara zeuen, "maestro" edo?

-Ez, ez. Porke bost urte (...). Hasi gintzenian salesianotan gazan ciento cincuenta mutillak. Bi kursotan, bi lokaletan. Eta bosgarren urtien (...) gazan treinta y dos. Hogeta hamabi. Osea ke fan zittuzan hortik zihar jentie, "liquidaos".

-Bostetik bat geratu ziñen?

-Bai. Eta suspendidu naxuan "Mecánica aplicada", eta esan nontan frailliak, Azkoittikua zuan da, esan nontan: "E!, parkatu baiña nik parkatu ingostat hori asignaturioi aprobauta ingok etortzen bahaz". Nik fubolien in biha naxuan, da nik esan notsan etxien, da etxien be fateko ta. Esan notsan, ni enoiela, lanera noiela, eta fubolien in bihotela.

-Fubola gehixao gustau karrera baiño?

-Bai, bai. Eta lanien etorri nintzuan da Atxabaletan fubolien.

-Da han Salesianotan Deuston eitten zeuen fubolian?

-Bai. Joe, zapatak eta jota apurtuta. Horrek direktoriak, Azkoittikua zuan, eta harek "etxostak ikusten ondo". "Ze ba?", ta beti fubolien nebillen da. Da hasarre egoten zuan bera.

-Estudixau gutxi eta fubolian.

-Fubolian baiña jota zapatak apurtu arte.

-Bazeukazuen eskolako ekiporik edo zerbait?

-Bai, bai. Guk jokaketan gaixuan, laugarren urtian jokaketan gaixuen horrekin, unibersidadiakin. Unibersidadiek jokaketan juen orduen seleziñua... Seleziñua ez, baiña porrejenplo Alcoyano etorten zuan igual, horkua, Alcoyano horkua dok, Alicantekua. Ba jazan bi estudiantiek futbolista Primera Dibisiñokuek, eta harek etorten zittuztan eta jokaketan juen han unibersidadien partidua. Haik dirua baukien asko, porke danak zittuztan, aberatsak zittuztan unibersidadekuak, danak kanpotarrak. Eta haik aprobetxetan juen astelehenetan, domeketan jokaketan juen Bilbon da astelehenien jokaketan juen unibersidadien partidue ekipuak. Haik dirua jaukien eta haik, e. Guk ez. Geure artian jokatu ta.

### 3. Bixente tailerrean eta Rosario 'Centro Católico'ko tabernan

- **Erref:** ARE-039/005
- **Iraupena:** 0:02:05. **Hasi:** 00:06:36. **Bukatu:** 00:08:41
- **Multimedia:** bideoa online ikusgai

#### Gaia(k):

- Aisia » Taberna giroa » Tabernak eta jatetxeak
- Ekonomia eta industria » Emakumeak lan-munduan (etxetik kanpo)
- Ekonomia eta industria » Langileen arteko harremana eta langile-mugimenduak

#### Laburpena:

<p>Salestarren eskolatik bueltan etxera bueltatu zen eta Ilargi izeneko tailerrean hasi zen lanean. Futbolearen ere jarraitu zuen. Emaztea umezain eta <em>Centro Católico</em>ko tabernan aritu zen lanean. Rosariorekin familikoek hartu zuten tabernaren ardura, jatorduak ere ematen zituzten. Hamaika bat urtez izaten zuten taberna.</p>

#### Transkripzioa

- Orduan Deustotik urten eta etxera etorri zifan?
- Bai.
- Esan dozu hasi zifela...
- Hor tailler baten.
- Zela zeukan izena?
- Ilargi.
- Zerrailagintzan.
- Bai, zerrailak itten aen. Horrek soziuek, bastante sozio. Ilargixen hortxe lanien ibili nintzuan. Fubolien iñ eta lanien. Eta nobixie topau.
- Lanien topau zifuen nobixia?
- Ez, ez, ez. Esan bat? Lanien, ez keba.
- Atxabaletan ezautu. Ezautu, Atxabaletan zela bizi dan ba Atxabaletan ezautu bihar.
- Klaro.
- Eta nobixa horrekin ezkondu zifan?
- Bai, bai.
- Eta zuk eskolatik urtenda gero zer eif zeben?
- Ba kriada. Umezaiñ-da. Bueno, taberna bat euki gauen hamentxe. Centro Católico esaten jakon orduan. Konserjiek, e, gu gintzen konserjiek. Iñondako, orduen be iñondako lana.
- "Centro Católico" zuan ba, hori zuan ba baten batzuk ein biha juen lana, aittak eta amak hartu juen ba umiendako ta gaztiendako; honek pa zela umiek zien ba han kriada moduen.
- Lana hantxe. Tanto bat emuten oskuen da ba.
- Orduen famelixiak hartu euen zentro hori. Zuk eskolatik urten da segittuan?
- Bai, bai, bai.
- Eta Centro Católico hortan jatorduak emuten zittuen?
- Baitta, bai.
- Orduen oillaskuek eta oif baiño merkiau. Merkiau zalako dana.
- Dana, janorduok eta.
- Zenbat urtian euki zebein?
- Urte asko. Zenbat?
- Hamaika bat bai, ezta?
- Hamaika bat urte eukiko gauen. Gero ia aitzak hasi zien ezkonketan eta

ya ba itxi gauen. Neu be ezkondu gitzan da ya itxi gauen.  
- Oseake tabernarixa izandakua za orduan.  
- Bai, bai.

#### 4. 'Centro Católico'a, luistarrak eta futbola

- **Erref:** ARE-039/007
- **Iraupena:** 0:03:23. **Hasi:** 00:08:49. **Bukatu:** 00:12:12
- **Multimedia:** bideoa online ikusgai

##### Gaia(k):

- Aisia » Kirola » Futbola
- Aisia » Taberna giroa » Tabernak eta jatetxeak

##### Laburpena:

<p><em>Centro Católico</em> taberna normal bat zen: txikiteorako, kaferako, meriendatarako... Luistarrak egoten ziren bertan eta beti jendez beteta egoten ziren. Luistarrak zeintzuk ziren azaltzen du. Futboleko batzarrak-eta ere han hasi ziren. Futbol taldeak hainbat presidente izan ditu: Juan Luis Izagirre, Anton Agirre, botikaria...</p>

##### Transkripzioa

- Eukiko dozu goguan, zu neskatilatxua ya. Txikiteo lekua be bazan edo?  
- Bai, bai, bai. Txikituak, kafiak, merixendak eta dana, dana.  
- Baina Zentro Katolikua gaztienekin eta aktibidadiak eitteko zan?  
- Dana. Orduan Luistarrak egoten zien da, dana tabernia beteta egoten zan goxetan. Luistarrak goxeko xeitterdietan mezetara ta gero danak tabernara. Komedoria gauken.  
- Luistarrak, hori da kongregaziñua.  
- Bai, bai, zan gaztiendako moduko, danak. Beti beteta.  
- Luistarrak dittuk solteruak. Osea ke euki leikek berrogei urte eta izen luistarra izen. Gu por ejenplo ezin.  
- Horrek mezaik eta emuten eben?  
- Ez, ez, ez! Mutil gaztiak. Keba! Hillien behin...  
- Neskak Hermanas de María zien moduan.  
- Bai, holan izengo zan.  
- Hillien behin Luistarren eguna. Eta Luistarrak dittuk el día 21 de junio pentsetan jatak diela. San Luis Gonzaga. Eta orduen ba faten gintzen elixara eta konfesau in biher. Eta illaria, danak elixara konfesetan.  
- Bueno!  
- Egun horretan ein biha zebe konfesau ta komulgau...  
- Bezperan, zapatuen, zera, abadiak hiru ero lau...  
- Konfesionarixotan da.  
- Kolak.  
- Konfesaitteko?  
- Kolak.  
- Eztie oingo kontuak.  
- Ez, ez, ez.  
- Oiñ etxak kolaik.  
- Da han ba gero fubola ta hasi zan eta reunixuak eta danak ba hor egoten zien, Zentro Katolikuan egoten zien reunixo danak. Kopak eta danak hortxe hasi zien.  
- Hortxe hasi zuan Atxabaleta. Atxabaleta hasi zuan el año cuarenta y seis.  
- UDAkua be hortik?  
- Bai, bai, baitta; dana.

- Zuek ya nobixo ziñien?  
- Berandutxuao. Horte-hotxe. El año cuarenta y seis? Bai, bagintzen bai. Zuan don... abadia, jefia, luistarrena ta zuan, da fubolekua, zuan don Luis, zuan de Hondarrabi. Hondarrabixakua. Eta gura bok esangostat zein zan presidentia, fundadoria. Presidentia fundadoria izan zuan Juan Luis Eizagirre, andria oñatiarra jaukak.  
- Bera atxabaletarra?  
- Bai, Juan Luis atxabalatara ta andria oñatiarra. Baiña orduan fubola ipiñi zanian etxauan ezkondata. Eta gero bera jarri zuan presidente eta in jittuan etxakixat zenbat urte, hamar urte ero. Eta gero bigarrena izen zuan Anton Agirre. Aiuntamentuan egon zuan sekretarixo. Eta gero haren ostian egon zuan botikarixua.  
- Plazakua.  
- Farmaziakua. Gero egon zan beste farmaziako bat Hondarribittik etorri zana, ha be egon zan.

## 5. Aretxabaletako jatetxeak

- **Erref:** ARE-040/002
- **Iraupena:** 0:02:49. **Hasi:** 00:02:15. **Bukatu:** 00:05:04

### Gaia(k):

- Familia eta harremanak » Lagunartea eta familia » Etxeko giroa
- Aisia » Taberna giroa » Tabernak eta jatetxeak

### Laburpena:

Garai hartako tabernak zeintzuk ziren, Zentro Katolikoaz aparte. Aita Arruenean zegoen lanean. Zentro katolikoari buruzko azalpenak. Parean bizi ziren. Senarraren etxera ezkondu zen gero.

**Ahotsak.eus**-eko edukiarekin sortutako dokumentu automatikoa.  
*2026-07-08*

**CC-by-sa | Ahotsak.eus**  
Badihardugu Euskara Elkartea  
Markeskua Jauregia, 20600 Eibar  
943121775 - ahotsak@ahotsak.com